

TRIAL VERSION
UWAATIW MEET MEEFIYOMW

Chiechiach Kewe



UNIVERSITY OF HAWAII LIBRARY

written by:

Chirano Cheipot

illustrated by:

Deby Nakamura

NOTICE


THESE PILOT TEST MATERIALS ARE FOR EXPERIMENTAL
USE ONLY AND MAY NOT BE REPRODUCED WITHOUT WRITTEN
PERMISSION FROM THE PALM DEVELOPMENT CENTER



These pilot materials were produced pursuant to a Grant from the U.S. Office of Education, Department of Health, Education and Welfare. However, the opinions expressed herein do not necessarily reflect the positions or policy of the U.S. Office of Education, and no official endorsement by the U.S. Office of Education should be inferred.

This preliminary publication was produced with funds provided by the Bilingual Education Act, Title VII of the Elementary and Secondary Education Act of 1965, as amended by Public Law 93.380.

Produced By
PACIFIC AREA LANGUAGES MATERIALS DEVELOPMENT CENTER
SOCIAL SCIENCE RESEARCH INSTITUTE
2424 Maile Way, Porteus 713, University of Hawaii at Manoa
Honolulu, Hawaii 96822




Sia men fokkun pwaapwa are epinúkúnúk kiich chóón chuuk pwokiten ese wor reech ekkewe ménún neeman mi efeiengngaw. Ese wor Naion me taiker ika fen pwan ekkewe ekkóóch sokkun maan mei toongeni efeiengngawa manawen kiich aramas. Sia fokkun feiéch pwokiten ekkewe sókkópaten ménún efeiengngaw ese fokkun wor reech nóón fénúach chuuk. Tiwenoon chék ekkewe ménún nóón sáát. Mei pwúng pwe anikitor mei wor nóón ewe fénú Panaw. Ekkóóch ekkewe fénú mii wátte me nóón chuuk, piik ina ákkáewin maan watte. Nge nóón ekkewe ekkóóch nakkich ina wattenóón.




Meet sókkun ménún neeman ekon watte me nóón fenuwom?
Mii wor eew sókkun maan nóón fénúwach keei nóón chuuk.
Ewe emén maan itan nitoupach mi ónóón usun chék
kúween. Een mei kúkkúna ei sókkun maan itan nitoupach?
Nitoupach rekan sou nónnómw nóón iimw. Raa men sou
téé fetán chék wóón etiiip me tenchoon imwach kewe.
Ina neenieer pwún rekan sou ocheii ekkewe kúkkún maan
sia men oputeer me nóón imwach kewe. Choowe án nóóng
me nikken. Nitoupach raa men fokkun tipemmóng nge
raa men chék pwan aninnisééch ngeni kiich. Ákkáeewin
raa nónnómw reech nóón imwach kewe, aruuen rekan pwan
sou ocheii ekkewe kúkkún maan chón fiiu ngeni kiich.


Een meei sineei ekkewe maan iteer nitoupach? Áái
núkú pwún een meei sineei ekkeei maan. Raa men fokkun
sou akurang pwan nouommóng néúweer. Usun chék pwan
néúwen ekkewe nipuároch. Tittipach chék nge ekkewe
kúkkún maan rese toogeni néuwemmóng. Neepwin ina
atun sia rongorong aar méngúungú. Kiich mi pwan
rongorong me ekis toowaaw.

Ika pwe ke túnúúw nisamwúttúúr, iir mi chék pwan
toongeni fetán. Meei pwan toongeni máár sáfáán.
Úkún we e túnúnó mei pwan toongeni mwékútúkút nóón
ekis fansoun.




Ekkewe nitoupach, iir meei sókuun usun chék pwan
ekkewe ekkóóch ménún neeman. Sokunnuur rekan nómw
nóón pwangen are sáttin nóón irá me nóón imwach kewe.





Mei wor ekkóóch ekkewe kúúen nóón chuuk usun chék ekkewe nitoupach. Mei wor ekkewe mi chóchchón. Raa watte seni ekkewe nitoupach, nge rese pwan chómmóng usun ekkewe nitoupach. Ekkewe mei chóchchón rese pwan toongeni nónnómw nóón iimw. Raa chék nónnómw núkún iimw are pwan wóón ekkewe faaw ika fetin. Meni ina pwopwun sise konnien efichiir usun ekkewe nitoupach. Ekkewe kúúen me nitoupach rese men pwan afeiengngaw. Raa men fokkun aninnisééch ngeni kiich. Rese pwan kúk are pwan poisén. Raa men fókkun fesir.

Sia men fokkun kinissou ngeniir reen aar angaangééch. Sipwe fokkun chechchemeni pwe sisapw efeiengngaweer are urumwotiitiir. Sipwe túmwúnúúr reen aar fokkun angaangééch ngeni kiich.



Sisapw fokkun ekieki pwe ekkewe nitoupach ese wor
namwoteer ngeni kiich. Fokkun chómmóng aar aninnis
ngeni kiich. Iir raa toongeni ékúkkúnaanó nikken
me nóóng. Ekkewe chón fiiungeni kiich. Nikken me
nóóng chón uweaato semwen ngeni kiich aramas.
Nitoupach raa nii ekkewe maan raa uwato reech samaaw.

Meet sipwe ngeni ekkewe nitoupach pwe niwiniir ren
aar angaangééch ngeni kiich?



LIBRARY USE
ONLY